


POTO



'O LE MALAGA FA'ALEMĀFAUFAU A LE

# TUSIATA VOMI

MICHEL MULIPOLA



MULIPOLA '21



# 'O LE MALAGA FA'ALEMĀFAUFAU A LE **TUSIATA KOMI**

*na tūsia e MICHEL MULIPOLA*

*fa'atasi ma Tootoooleaava Fanaafi Aiono-Le Tagaloa*

*'o ata na tūsia e MICHEL MULIPOLA*



Matāgāluega o Ā'oga

Lōmia i le 2021 e le Matāgāluega o Ā'oga,  
Pusa Meli 1666, Ueligitone 6140, Niu Sila.  
[www.education.govt.nz](http://www.education.govt.nz)

Puipua fa'aletulāfono le lōmiga i le gagana Sāmoa i le suafa o le © Mālō 2021  
Puipua fa'aletulāfono ata e le © Mālō 2021


E noanoatia 'uma āiā.  
'O fesili e 'ave 'uma 'i le kamupanī na lōmia.

Tautua tau lōmiga: Lift Education E Tū  
Fa'atonu: Galumalemana Afeleti L. Hunkin ma Don Long  
Tusiata: Liz Tui Morris

ISBN 978 1 77690 015 2 (lolomi)  
ISBN 978 1 77690 029 9 ('upega tafā'ilagi)

E mafai ona 'oka kopi e sui ai mai le Ministry of Education Customer Services,  
'upega o tafā'ilagi o le [www.thechair.co.nz](http://www.thechair.co.nz)  
i le imeli o le: [orders@thechair.minedu.govt.nz](mailto:orders@thechair.minedu.govt.nz)  
po'o le telefoni lē totogia i le 0800 660 662.

Fa'amolemole e tusi mai le nūmera o le tusi lea 90015.



E 'āmata la'u tala i  
aso 'a'o o'u tamaitiiti.



'Ou te matuā FIAFIA  
e tusiata!

'O se tasi aso, na 'ou  
tōsina i se va'aiga e  
uiga'ese lona pupula,  
felanulanua'i.



Na tau segaia  
ai o'u mata ...

... 'o le fa'aputuga komi a  
le tuagane o lo'u tinā!



Mai i le taimi lenā, na matuā  
leai ma se isi mea na sao i  
lo'u fai'ai, na'o komi ma tama  
'autū o tala 'ese'ese, e fai o  
lātou paoa!



'O le taimi lava lea e tasi,  
e iai ma le isi mea sā  
tōsina 'i ai lo'u māfaufau  
fa'atamaitiiti ...



... 'o pi'iga.



I lo'u manatu fa'atamaitiiti,  
'o le 'aupi'i lea 'ou te va'ai 'i  
ai i le TV, e iai mo'i lava o  
lātou paoa!



Fa'asolo la'u miti ... fia 'avea a'u  
'o se tama pi'i mālosi lāuiloa,  
pei 'o i lātou.

'A'o fai ta'alog a le 'aukuoli o le ā'oga, 'ou te le'i ano fa'atasi 'i ai. Sā 'ou fiafia lava a'u ia, e faitau a'u Komi.



E pei o la'u tala muamua, 'ou te lē 'auai i le vāega a le 'autama sasa'o.



Na 'uma loa a'u vasega tetele, o'u taumafai loa e su'e ni 'aula e a'oa'o ai la'u tusiata Komi.



E taugatā tele ā'oga tusiata ma e matuā leai ma se ā'oga tusiata e a'oa'o ai le tusiata Komi.



E 'uma lava o'u tausaga ā'oga, pau la'u mea na fai 'o le faitau ma tusiata Komi.



E 'ese lo'u fiafia 'ou te tusiata. 'O le matā'upu lea na 'ou aupito i fiafia 'i ai i le ā'oga ...



... e iai nisi taimi na 'ou lavea ai 'ona 'o lo'u fiafia tele 'i le tusiata.



Tonu loa lo'u manatu 'ole'ā a'o la'u tusiata Komi i le fale, ma fai ai a'u lava Komi.



Fai fai a lelei.



Sili atu le Komi lona lua i le muamua. Sili atu le lona tolu i le lona lua, ma fa'asolosolo ai a fa'apēnā.

'O le isi aso, ui i lo'u popole, 'ae na maua lo'u lototeli e fa'aali ai a'u ata komi na tusi 'iā Jeremy i le fale'oloa e fa'atau ai komi o le Gotham Comics.



'O i na 'āmata ai la mā faigauō ma Jeremy. E le'i 'umi a, 'ae 'ou faigāluega i le fale'oloa komi o le Gotham Comics.



Na fesoasoani lo'u faigāluega i aso 'uma i le fale'oloa komi, i la'u tusiata komi.



Sōlē!  
Matuā seki a  
lau tusiata!

Na fauina e Jeremy ma fa'aigoaina se fale 'o le New Ground, e lolomi ai komi po'o ata komi a pā'aga māsanai a le Gotham Comics.



'O le New Ground na lolomi ai la'u komi muamua, 'o le Smacktown! 'O le komi e fa'atatau 'i le lalolagi o pi'iga fa'apolōfesa.

Seki a le lagona o le fa'atau ma saini kopi o la 'oe lava komi i le fa'alauiloa e ta'u o le Armageddon Expo.



Pei a ta'ita 'o  
se tama 'autū!

Na 'ou maua fo'i le fa'ailogia o le tusiata komi aupito i sili ona lelei i Niu Sila - Best New Zealand Comic Artist Award, 'ona 'o la'u komi o le Sesame Street Fighter.



'Ae na fa'ato'ā logologoā tala o la'u tusiata komi 'ona 'o se tauvaga sā faia i luga o le 'itaneti.



'O se tasi aso  
na o'o ai se  
manatu 'iā  
Jeremy ...



Na 'ou mālō ai i le \$10,000!

Na maua ai fo'i le avanoa 'ou te malaga ai 'i fonotaga ma fa'atasiga sā faia i 'Ausetalia ma 'Amerika.



Mao'a'e avanoa na 'ou maua. Na mafai ona 'ou galue i Komi po'o kamupanī tusikomi ta'uta'ua e pei 'o le Marvel Comics ...



... 'ātoa ai ma komi mo le 'asosi o pi'iga po'o le WWE ...



... 'aemaise fo'i komi i toa o Sāmoa ma Toga.



'Ae 'o se tasi o mea e sili ona 'ou fiafia 'ou te galue ai 'o le tusiga lea o ata mo lōmiga 'ese'ese o le School Journal.



E 'ese lo'u fa'amanuiaina 'ona 'o la'u gāluega, 'o le tusiata komi.



Ta te usu fiafia ai i aso 'uma, 'auā 'ou te matuā fiafia 'i la'u gāluega o le tusiata komi!



'Ae, e leai se mea lelei e maua ma le filēmū. E mo'omia lo'u galue mālosi, 'ina 'ia tino mai.



'Aua 'e te popole pe'ā 'e sasi.  
'O avanoa 'uma nā, e a'oaiiha ai 'oe.



'Ia 'e talitonu, 'e te mafaia ...



... 'ia toa lou loto.



'Oi, toeitiiti a gal o iā te a'u -  
'o a'u fo'i 'o se tama pi'i  
fa'apolōfesa! 'Ae, se'i maua  
se isi avanoa ona fa'amatala  
atu lea o lenā fo'i tala ...

'Āfai 'e te mana'o e fa'ata'ita'i ni isi 'auala  
e tusi ai ata komi ona 'e su'ea lea o le mā  
fa'atalatalanoaga ma Hannah Sperber,  
"Michel Mulipola: Superhero Secrets"  
'olo'o i le lomiga Väega 3 Aokuso 2016 o le  
School Journal. 'Ae 'a 'e fia va'ai i se komi  
na 'ou tusia ata, su'e le Once a Panther (2019)  
i le School Journal Story Library.



MINISTRY OF EDUCATION  
TE TĀHUHU O TE MĀTAURANGA

[education.govt.nz](http://education.govt.nz)

New Zealand Government

ISBN 978-1-77690-015-2

9 781776 900152